

solet, inuidia, Libri huius utilissimi, ceterarumque illustri Auctoris Bibliothecarum, fortunam, quam ordo, selectus, iudicium, luculentia, iisdem conciliabant, sed eandem inuidiose turbare fuit conata. Quorsum refero, quod per summam calumniam a non nemine fuit prolatum, Bibliothecas hasce ex Bibliopolarum & nundinalibus catalogis magna ex parte esse compilatas. Quod quidem quam improbe & maleuole sit pronunciatum vitæ officiorumque illustri Auctoris rationes aperitissime confirmabunt. Enimuero cum primas huius Bibliothecæ lineas duceret, usus est Bibliotheca Samuelis Strykii summi Icti, quæ libris præsertim ad Ciuilia Iura spectantibus, egregie instructa erat; in Belgico inde atque Germanico Itinere præstantissimas cum publicas, tum priuatas Bibliothecas erudite vidit. Confectis Itineribus, Bibliothecæ Ducali, quæ vsibus Academiæ Ienenfis est destinata, quæque inter Academicas primas fert, præfectus, per sex annos se totum Rei literariæ dedit coque tempore ingeniorum selectorum desideris excitatus, animum ad disponendas Bibliothecas appulit. Postea decedente statione sua Georgio Schubarto eruditissimo & celeberrimo Viro, Historiarum Doctor publicus factus, Bibliothecam selectissimis & rarissimis libris ipsemet instruxit, inque eandem laudati iam Schubarti non transtulit solum, sed & amplioribus dignitatum accessionibus dignissime auctus deque Controuersis summorum Principum consultus optimis præstantissimisque libris e Gallia & Belgio adductis eandem egregie locupletauit. Quæ omnia cum eruditis propter illustri Viri celebritatem, quam ore & scriptis solidissimis sibi comparauit sint notissima*, vel sola sufficiunt ad

con-

* Vnicum saltim nomino testem eundemque locupletissi,